

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 8 NOVEMBER 2016, PUKUL 10.00 PAGI

Bil. 7

WAKTU PERTANYAAN-PERTANYAAN MENTERI

1. MQT-1343-0083
Datuk Raime bin Unggi [Tenom] minta **MENTERI PERTAHANAN** menyatakan apakah kepentingan pembelian Kapal Misi Littoral (LMS) berikutan memorandum persefahaman Malaysia-China, di mana Perdana Menteri mengumumkan pembelian sebanyak 4 buah kapal LMS bagi kegunaan TLDM yang mana 2 buah LMS dibina di China dan 2 buah lagi di Malaysia serta akan ditambah secara berperingkat jika ianya memenuhi piawaian ketenteraan Malaysia bagi pertahanan negara dan mengapakah Kementerian memilih LMS dari China. Apakah yang akan dilakukan kepada kapal lama milik TLDM.
2. MQT-1343-0076
Dr. Ong Kian Ming [Serdang] minta **PERDANA MENTERI** menyatakan apakah tindakan yang sedang dan akan diambil untuk membantu pemandu teksi yang kehilangan tambang akibat daripada penutupan semua stesen Petronas Natural Gas Vehicle (NGV) di seluruh Lembah Klang, Negeri Sembilan dan Johor. Apakah Petronas Dagangan akan memberi pampasan kepada pemandu teksi yang kehilangan tambang sejak 31 Oktober.
3. MQT-1343-0077
Datuk Dr. Makin @ Marcus Mojigoh [Putatan] minta **PERDANA MENTERI** menyatakan semasa penggulungan baru-baru ini, YB. Menteri telah mengumumkan penubuhan sukarelawan Maritim Malaysia di kawasan ESSZONE. Saya ingin mengetahui bilakah cadangan penubuhan sukarelawan tersebut akan dilaksanakan memandangkan kes penculikan dan pencerobohan di kawasan ESSZONE semakin membimbangkan.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 8 NOVEMBER 2016, PUKUL 10.00 PAGI

Bil. 43

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1343-L77056
Tuan Haji Ahmad Lai bin Bujang [Sibuti] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah usaha Kerajaan untuk memasang CCTV di kawasan Perumahan dan sejak 2013 sekarang berapakah jumlah CCTV dipasang bagi PBT di Sarawak dan adakah terdapat peruntukan bagi memasang CCTV bagi Parlimen Sibuti.
2. PR-1343-L76729
Dato' Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah penambahbaikan terhadap Akta Perhubungan Perusahaan 1969.
3. PR-1343-L75630
Dato' Wira Othman bin Abdul [Pendang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah Kementerian bercadang untuk menubuhkan rangkaian pengedaran barangan makanan halal secara menyeluruh untuk memenuhi kehendak pengguna.
4. PR-1343-L76422
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan adakah Kerajaan berhasrat melaksanakan cadangan sistem waktu bekerja enam jam sehari dan waktu bekerja anjal khususnya bagi kakitangan awam wanita yang sudah berkeluarga.

5. PR-1343-L76789
Dr. Mansor bin Abd Rahman [Sik] minta **MENTERI BELIA DAN SUKAN** menyatakan melalui indeks KPI belia yang dilancarkan apakah rangsangan dan cadangan dari pihak Kementerian bagi belia-belia di luar kawasan bandar untuk memajukan komuniti mereka di setiap kawasan.
6. PR-1343-L77392
Tuan Ramkarpal Singh a/l Karpal Singh [Bukit Gelugor] minta **MENTERI PEMBANGUNAN WANITA, KELUARGA DAN MASYARAKAT** menyatakan langkah-langkah yang dicadangkan akan diambil oleh Kerajaan untuk mengatasi masalah pengabaian bayi (*baby dumping*). Nyatakan langkah-langkah tersebut dan rancangan-rancangan terkini untuk mengatasi masalah tersebut.
7. PR-1343-L77401
Datuk Haji Shabudin bin Yahaya [Tasek Gelugor] minta **MENTERI KEWANGAN** menyatakan adakah pihak Kerajaan bercadang untuk melanjutkan lagi Program Tawaran Pengurangan Penalti dan Penghapusan Kenaikan Cukai yang bakal berakhir pada 15 Disember 2016. Berapakah hasil kutipan dan jumlah pembayar cukai yang tampil melaporkan pendapatan tahunan dan menyelesaikan tunggakan cukai mereka melalui program ini.
8. PR-1343-L76778
Tuan Teo Kok Seong [Rasah] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
 - (a) mengapakah Kerajaan gagal dalam membanteras MLM dan 'money game' yang menyebabkan kerugian besar rakyat Malaysia; dan
 - (b) berapakah syarikat dan individu yang terlibat telah diambil tindakan oleh Kerajaan.
9. PR-1343-L76558
Datuk Joseph Salang anak Gandum [Julau] minta **MENTERI PENDIDIKAN** menyatakan kepada Dewan pencapaian setakat ini nisbah guru-guru yang ditempatkan di sekolah-sekolah negeri Sarawak.
10. PR-1343-L76320
Tuan Wan Hasan bin Mohd Ramli [Dungun] minta **MENTERI KERJA RAYA** menyatakan langkah-langkah perlu dari pihak konsesi untuk meningkatkan kemudahan-kemudahan LPT2 mengikut piawaian lebuhraya untuk keselamatan dan keselesaan pengguna lebuhraya tersebut.
11. PR-1343-L77202
Tuan Anuar bin Abd. Manap [Sekijang] minta **MENTERI SAINS, TEKNOLOGI DAN INOVASI** menyatakan keberkesanan projek perintis Sistem Prasarana Komuniti Pintar (iComm) di Kampung Padang Rumbia, Pekan yang bermatlamat mewujudkan persekitaran desa moden berteknologi maklumat dan apakah perancangan kementerian bagi memperluaskan lagi konsep projek ini di seluruh negara.

12. PR-1343-L76590
Dr. Azman bin Ismail [Kuala Kedah] minta **MENTERI SUMBER ASLI DAN ALAM SEKITAR** menyatakan sama ada Kementerian Sumber Asli dan Alam Sekitar dirujuk sepenuhnya berkenaan dengan projek pendaratan ikan tuna Kedah (*Kedah Integrated Fishery Terminal*) dan kesan alam sekitarnya. Apakah pandangan Kementerian tentang projek itu.
13. PR-1343-L75798
Datuk Raime bin Unggi [Tenom] minta **PERDANA MENTERI** menyatakan pengupayaan zakat terutama di Sabah yang dilihat mampu menjana ekonomi dan menjadi instrumen mencipta kekayaan yang sangat penting bagi membangunkan sosio ekonomi umat Islam.
14. PR-1343-L76009
Tuan Wong Chen [Kelana Jaya] minta **MENTERI PENDIDIKAN** menyatakan :-
- (a) bilangan pelajar yang layak menerima peruntukan melalui Biasiswa Kecil Persekutuan (BKP) dan Biasiswa Kecil Persediaan Universiti (BKPU) pada tahun 2015; dan
 - (b) bilangan pelajar yang dianugerahi BKP dan BKPU pada tahun 2016.
15. PR-1343-L75571
Datuk Dr. Makin @ Marcus Mojigoh [Putatan] minta **MENTERI KEWANGAN** menyatakan :-
- (a) apakah rasionalnya cadangan penstrukturan semula cukai jualan rokok dan minuman keras serta kawalan cukai ke atas kenderaan yang dibawa masuk ke tiga lokasi pulau bebas cukai iaitu Pulau Langkawi, Wilayah Persekutuan Labuan dan Pulau Tioman; dan
 - (b) adakah juga, pada akhirnya status bebas cukai tempat ini akan dihapuskan.
16. PR-1343-L76577
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESIHATAN** menyatakan princian antara 2000-2015 mengenai rawatan fasiliti di semua hospital dan klinik Kerajaan mengikut negeri, bilangan pesakit berdasarkan kewarganegaraan dan pendapatan isi rumah, hasil yang dikutip, nilai subsidi dan strategi untuk mengutip bayaran tertunggak, mencecah RM30.47 juta (2012-2014).
17. PR-1343-L76451
Datuk Sri Hasan bin Arifin [Rompin] minta **MENTERI PENDIDIKAN TINGGI** menyatakan statistik kemasukan pelajar orang asli ke universiti di dalam dan luar negara bagi tahun 2015 hingga 2016 dan apakah tindakan strategi yang diambil oleh Kementerian bagi meningkatkan lagi tahap kemasukan orang asli ke institusi pendidikan tinggi ini.

18. PR-1343-L76913
Dato' Seri Abdul Hadi bin Awang [Marang] minta **MENTERI PENDIDIKAN TINGGI** menyatakan sejauh mana kesan pengurangan bajet pendidikan tinggi dalam Belanjawan 2016 kepada pelajar, pensyarah, kakitangan dan universiti awam.
19. PR-1343-L75954
Datuk William @ Nyallau anak Badak [Lubok Antu] minta **MENTERI PERUSAHAAN PERLADANGAN DAN KOMODITI** menyatakan berapa jumlah permohonan di bawah MPOB untuk program bantuan penanaman sawit daripada pekebun-pekebun kecil di Sarawak dan daripada sejumlah permohonan yang diterima, berapakah yang telah diluluskan.
20. PR-1343-L76636
Dr. Mohd Hatta bin Md. Ramli [Kuala Krai] minta **MENTERI PENDIDIKAN TINGGI** menyatakan :-
- (a) jumlah peratusan pelajar yang tidak meneruskan pengajian di universiti kerana masalah kewangan; dan
 - (b) apakah usaha-usaha Kementrian untuk meringankan beban pelajar selain pemberian pinjaman daripada PTPTN.
21. PR-1343-L77020
Datuk Liang Teck Meng [Simpang Renggam] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah kes laporan dan tangkapan yang telah dibuat oleh kementerian berhubung sindiket gores dan menang dari tahun 2014 sehingga kini. Jelaskan juga langkah berterusan yang diambil oleh Kementerian dalam menangani masalah tersebut.
22. PR-1343-L76139
Tuan Wong Ling Bui [Sarikei] minta **MENTERI KEWANGAN** menyatakan mengapa harga minyak dalam negara tidak mengikut harga minyak antarabangsa. Contohnya apabila harga minyak antarabangsa naik pada bulan Jun 2016, maka harga minyak negara turut akan naik pada Julai 2016. Bagaimanapun, harga minyak antarabangsa turun pada Julai 2016, sebenarnya harga minyak dalam negara kita mesti turun mengikut harga minyak antarabangsa, tetapi sebaliknya harga diesel negara kita telah dinaikkan 10 sen/liter pada Ogos 2016.
23. PR-1343-L75938
Dato' Sri Dr. Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan sejauh mana program j-QAF berjaya meningkatkan penghayatan murid-murid sekolah rendah dalam Pendidikan Islam.

24. PR-1343-L77335
Tuan Sim Tong Him [Kota Melaka] minta **PERDANA MENTERI** menyatakan :-
- (a) bagaimanakah kerja-kerja persediaan untuk menghadapi banjir di hujung tahun terutamanya di negeri yang seringkali menghadapi masalah ini dan berapa agensi Kerajaan badan NGO dan syarikat swasta akan terlibat dalam usaha ini dan anggaran jumlah peserta akan mengambil bahagian; dan
 - (b) anggaran kos terlibat dan adakah peruntukan telah disediakan.
25. PR-1343-L77290
Tan Sri Dato Sri William Mawan Ikom [Saratok] minta **MENTERI KOMUNIKASI DAN MULTIMEDIA** menyatakan adakah Kerajaan bercadang untuk mewujudkan suatu pusat atau laman maklumat siber yang boleh dijadikan rujukan oleh orang awam untuk mengesahkan sesuatu maklumat itu memandangkan pada masa ini terdapat banyak maklumat yang tidak benar atau tepat disebarkan oleh pihak yang tidak bertanggungjawab dalam ruang siber.
26. PR-1343-L75504
Puan Hajah Zuraida binti Kamaruddin [Ampang] minta **MENTERI SUMBER ASLI DAN ALAM SEKITAR** menyatakan jumlah perbelanjaan setakat ini haiwan peliharaan panda di Zoo Negara.
27. PR-1343-L76394
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan :-
- (a) jumlah penjawat awam diseluruh negara yang telah berjaya memiliki rumah melalui Program Perumahan Penjawat Awam 1Malaysia (PPA1M); dan
 - (b) perancangan Kerajaan untuk memperluaskan PPA1M ke kawasan selain daripada bandar-bandar utama kerana peningkatan nilai hartanah bukan sahaja tertumpu pada kawasan bandar-bandar utama sahaja.
28. PR-1343-L77039
Raja Dato' Kamarul Bahrin Shah [Kuala Terengganu] minta **MENTERI PENDIDIKAN TINGGI** menyatakan apakah tindakan pihak Kerajaan bagi membantu murid-murid kurang mampu dan miskin bagi memastikan peluang pendidikan mereka tidak terus tergendala dan gagal menyambung pengajian tinggi mereka.

29. PR-1343-L77252
Datuk Rozman bin Isli [Labuan] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah standard operasi (SOP) yang telah ditetapkan oleh Kementerian bagi memastikan kanak-kanak yang ditempatkan di pusat jagaan kanak-kanak mendapat hak dan kebajikan yang sewajarnya serta sejauh manakah pemantauan dilakukan oleh Kementerian dalam menangani pusat jagaan haram.
30. PR-1343-L76686
Tuan Lim Guan Eng [Bagan] minta **MENTERI SUMBER ASLI DAN ALAM SEKITAR** menyatakan perkembangan permohonan Kerajaan Negeri Pulau Pinang berhubung kelulusan peruntukan RM997 juta bagi mengatasi masalah perparitan dan banjir di negeri ini. Mengapakah projek sambungan seperti Jalan P. Ramlee dan juga di Daerah Barat Daya, Seberang Perai Utara dan Selatan tidak diluluskan. Senaraikan jumlah peruntukan bagi permasalahan sama yang diberikan kepada negeri-negeri lain sejak tahun 2010 hingga kini.
31. PR-1343-L76803
Tuan Su Keong Siong [Ipoh Timor] minta **MENTERI DALAM NEGERI** menyatakan sebab-sebab kedai-kedai judi internet haram masih berleluasa di seluruh Malaysia, terutamanya di kawasan Ipoh walaupun pihak Kementerian telah mengambil tekad untuk menghapuskan sindiket judi internet haram ini.
32. PR-1343-L77163
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan apakah pihak Kementerian telah menjalankan kajian serta statistik terkini terhadap keberkesanan pelaksanaan pemberian BR1M dalam menangani kos sara hidup yang semakin meningkat ini dan apakah kaedah serta pendekatan terbaru yang diambil oleh pihak Kementerian.
33. PR-1343-L76679
Tuan Ng Wei Aik [Tanjong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada pindaan terhadap Akta Pengurusan Strata 2013 akan dilakukan bagi membolehkan Badan Pengurusan Bersama (JMB) ditubuhkan atau terus wujud walaupun Perbadanan Pengurusan (MC) telah wujud apabila buku strata dibuka tetapi MC tidak dapat beroperasi, tanpanya jawatankuasa pengurusan yang dipilih melalui mesyuarat agung tahunan (AGM) pertama yang hanya dapat dipanggil apabila terdapat 25% unit syer terkumpul dipindah milik melalui hakmilik strata masing-masing.
34. PR-1343-L77361
Dato' Ahmad Fauzi bin Zahari [Setiawangsa] minta **MENTERI DALAM NEGERI** menyatakan berapakah jumlah kes jenayah melibatkan senjata api sepanjang tahun 2016 dan adakah pihak Kementerian telah mengenalpasti faktor utama peningkatan kes jenayah berat ini.

35. PR-1343-L76860
Tuan Hee Loy Sian [Petaling Jaya Selatan] minta **MENTERI KERJA RAYA** menyatakan jalan penyelesaian yang diambil untuk mengatasi masalah kesesakan lalu lintas di persimpangan Lebuhraya NPE (New Pantai Expressway) Jalan Klang Lama dan Jalan Templer di Petaling Jaya.
36. PR-1343-L75714
Datuk Aaron Ago anak Dagang [Kanowit] minta **MENTERI DALAM NEGERI** menyatakan apakah langkah-langkah yang diambil oleh Kerajaan dalam memperkasakan keselamatan sempadan negara (*border control*) daripada pencerobohan penganas asing dan kegiatan haram yang mampu menggugat keselamatan dan keamanan negara.
37. PR-1343-L76216
Puan Teo Nie Ching [Kulai] minta **MENTERI DALAM NEGERI** menyatakan sama ada Kerajaan berniat untuk menggubal undang-undang untuk mempermudah proses untuk mendapat nafkah selepas penceraian.
38. PR-1343-L76061
Dr. Ismail bin Daut [Merbok] minta **MENTERI PENDIDIKAN TINGGI** menyatakan hasil pertemuan antara pihak Kementerian dengan pemegang taruh pelajar-pelajar Malaysia di Mesir yang mengalami masalah pembiayaan pengajian di negara tersebut.
39. PR-1343-L77377
Dato' Normala binti Abdul Samad [Pasir Gudang] minta **PERDANA MENTERI** menyatakan adakah pihak Kementerian telah mengkaji cadangan pelaksanaan waktu kerja 6 jam sehari dan apakah implikasi positif dan negatif sekiranya perkara tersebut dilaksanakan.
40. PR-1343-L75975
Tuan M. Kulasegaran [Ipoh Barat] minta **MENTERI DALAM NEGERI** menyatakan jumlah kes di mana kuil yang divandalisme dalam tempoh 5 tahun yang lepas dan apakah punca-punca vandalisme kuil berlaku.
41. PR-1343-L75873
Datuk Abd Rahim bin Bakri [Kudat] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilakah Balai Bomba Daerah Pitas akan mula dibina dan bilakah ia dijangka siap.
42. PR-1343-L76529
Dato' Dr. Nik Mazlan bin Nik Mohamad [Pasir Puteh] minta **MENTERI PERTANIAN DAN INDUSTRI ASAS TANI** menyatakan apakah langkah Kementerian melalui sektor pertanian dalam meningkatkan pendapatan negara.

43. PR-1343-L76649
Dato' Haji Mahfuz bin Omar [Pokok Sena] minta **MENTERI PERTAHANAN** menyatakan bagaimana cara untuk Lembaga Tabung Angkatan Tentera (LTAT) memperoleh semula pelaburan RM555 juta ke atas pengambilalihan Syarikat Beta Tegap dan ATES (M) Sdn. Bhd. untuk mengendalikan operasi sistem Penguatkuasaan Sistem Automatik (AES) dan bagaimana LTAT menjana keuntungan daripada pengendalian sistem tersebut.
44. PR-1343-L76246
Tuan Idris bin Haji Ahmad [Bukit Gantang] minta **MENTERI DALAM NEGERI** menyatakan untuk memastikan penerbitan dan pengedaran Al-Quran *Braille* bagi kegunaan orang kurang upaya penglihatan di Malaysia betul dan tepat mengikut kaedah-kaedah penulisan yang dibenarkan:-
- (a) bagaimana Kerajaan mengadakan mekanisme kawalan; dan
 - (b) adakah pihak yang dibenarkan untuk menerbitkan dan mengedarkan Al-Quran *Braille* dan berapakah jumlah bilangan penerbit tersebut.
45. PR-1343-L77262
Datuk Wilson Ugak Kumbong [Hulu Rajang] minta **MENTERI LUAR BANDAR DAN WILAYAH** menyatakan apakah inisiatif yang sedang diambil bagi membantu penduduk di kawasan Bakun dan Murum bagi mendapatkan bekalan elektrik untuk kegunaan harian mereka kerana pencawang elektrik dibina merentasi kawasan tanah mereka.
46. PR-1343-L75574
Datuk Dr. Ewon Ebin [Ranau] minta **MENTERI PENDIDIKAN** menyatakan :-
- (a) apakah punca utama yang menyebabkan pembinaan Sekolah Menengah Kebangsaan Kemburongoh Ranau terbengkalai; dan
 - (b) bilakah ia dijangka siap sepenuhnya dan mula beroperasi.
47. PR-1343-L76516
Dato' Dr. Tan Kee Kwong [Wangsa Maju] minta **MENTERI PENGANGKUTAN** menyatakan adakah setiap penerbangan komersial di Malaysia mempunyai Marshal Udara yang mengikuti setiap perjalanan.
48. PR-1343-L76319
Dato' Mansor bin Othman [Nibong Tebal] minta **PERDANA MENTERI** menyatakan pendirian Kerajaan berkenaan dengan cadangan dasar untuk menilai semula peranan dan bidang tugas SPR ekoran dari banyak bantahan yang disuarakan oleh pelbagai pihak berkaitan dengan isu persempadanan semula kawasan-kawasan pilihan raya cadangan SPR baru-baru ini.

49. PR-1343-L77296

Dr. Ong Kian Ming [Serdang] minta **MENTERI KERJA RAYA** menyatakan mengapa permohonan daripada JKR Selangor untuk menaiktarafkan jalan di persimpangan Seri Kembangan dan Lebuhraya BESRAYA telah ditolak.

50. PR-1343-L77427

Tuan Manivanan a/l Gowindasamy [Kapar] minta **PERDANA MENTERI** menyatakan :-

- (a) apakah rasional cadangan persempadanan semula SPR untuk mengurangkan jumlah pengundi Parlimen Kapar pada PRU-13 iaitu daripada 144,159 kepada 100, 456 dan sebaliknya meningkatkan pengundi Parlimen Klang (jiran Parlimen Kapar) daripada 97,000 pengundi pada PRU-13 kepada 141,000; dan
- (b) apakah rasional SPR untuk DUN di Selangor iaitu DUN Batu Caves ditukar nama kepada nama lama iaitu Sungai Tua. Nama DUN Batu Caves mempunyai sentimen tersendiri untuk kaum India, tetapi apakah Kerajaan Persekutuan dan / atau SPR sanggup mengorbankan identiti kaum India tersebut atas alasan persempadanan semula dalam masa terdekat.

ATURAN URUSAN MESYUARAT DAN USUL-USUL

1. **Pertimbangan ke atas Rang Undang-undang Perbekalan 2017 (D.R.17 /2016) dan Usul Anggaran Perbelanjaan Pembangunan 2017 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh lapan bilion ringgit (RM48,000,000,000) dibelanjakan daripada Kumpulan Wang Pembangunan bagi tahun 2017, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2017, yang dibentangkan sebagai Kertas Perintah 25 Tahun 2016, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (8 November, 2016)

2. **Menteri di Jabatan Perdana Menteri akan mencadangkan:-**

“**BAHAWA** pada Selasa, 25 Oktober 2016 semasa sesi Kamar Khas, Yang Berhormat Lim Lip Eng, Ahli Parlimen Kawasan Segambut dengan biadapnya telah mempersoalkan kuasa Yang di-Pertua Dewan Rakyat yang boleh dikenakan ke atas beliau kerana enggan mengikut arahan Tuan Yang di-Pertua.

BAHAWA Yang Berhormat Segambut juga telah menghina Yang di-Pertua Dewan Rakyat dengan kenyataan “*You are a disgrace to Parliament.... we are elected and you are appointed*”. Kenyataan Yang Berhormat Segambut telah menghina Yang di-Pertua Dewan Rakyat dan Majlis Mesyuarat Dewan Rakyat yang telah memilih beliau sebagai Yang di-Pertua Dewan Rakyat berdasarkan Perkara 57 Fasal 1 Perlembagaan Persekutuan.

BAHAWA Yang Berhormat Segambut sebelum itu telah mengeluarkan satu kenyataan pada 23 Oktober 2016 yang mempertikaikan dan memperlekehkan keputusan Yang di-Pertua Dewan Rakyat berhubung dengan pertanyaan - pertanyaan serta usul yang berkaitan tindakan sivil *in rem* oleh Department of Justice mengenai isu *sub judice*.

BAHAWA Yang Berhormat Segambut juga telah mengeluarkan satu kenyataan semasa sidang media di lobi Parlimen pada Khamis, 7 April 2016 yang menyatakan bahawa Yang di-Pertua Dewan Rakyat gagal dalam usaha-usaha penambahbaikan Parlimen yang sedang dilaksanakan oleh Yang di-Pertua Dewan Rakyat dan meminta agar Yang di-Pertua Dewan Rakyat meletakkan jawatan.

DAN BAHAWA perbuatan dan kenyataan–kenyataan yang dibuat oleh Yang Berhormat Segambut itu adalah merupakan satu penghinaan kepada Tuan Yang di-Pertua Dewan Rakyat yang menjalankan tugas sebagai Pengerusi Dewan ini dan demikian bererti penghinaan juga kepada Dewan Rakyat yang turut mencemarkan nama baik dan prestij Dewan Rakyat.

MAKA INILAH DIPERSETUJUI BAHAWA Yang Berhormat Lim Lip Eng, Ahli Parlimen Kawasan Segambut hendaklah digantung daripada perkhidmatan Majlis Mesyuarat selama enam (6) bulan dari tarikh keputusan usul ini diluluskan.”

- | | | | |
|----|---------------|---|-----------------------------------|
| 3. | (D.R.18/2016) | Rang Undang-Undang Kewangan 2016 | Bacaan Kali Yang Kedua |
| | | [Menteri Kewangan] | |
| 4. | (D.R.13/2016) | Rang Undang-Undang Mahkamah (Kaedah-Kaedah Pemulaan Tindakan Sivil) 2016 | “ |
| | | [Menteri di Jabatan Perdana Menteri] | |
| 5. | (D.R.16/2016) | Rang Undang-Undang Pentadbiran Undang-undang Islam (Wilayah-Wilayah Persekutuan) (Pindaan) 2016 | “ |
| | | [Menteri di Jabatan Perdana Menteri] | |
| 6. | (D.R.15/2016) | Rang Undang-Undang Pendaftaran Kelahiran dan Kematian (Pindaan) 2016 | “ |
| | | [Menteri Dalam Negeri] | |

7. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.

8. **Menteri Dalam Negeri** akan mencadangkan:-

“Bahawa Majlis ini membuat suatu ketetapan menurut sub-seksyen 4(11), Akta Kesalahan Keselamatan (Langkah-langkah Khas) 2012 supaya sub-seksyen 4(5), Akta ini hendaklah terus berkuatkuasa bagi tempoh 5 tahun lagi mulai dari 31 Julai 2017”.

9. **Dato' Seri Abdul Hadi bin Awang [Marang]** akan mencadangkan:-

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

i. menggantikan Seksyen 2 dengan seksyen berikut:

“**2.** Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan.”; dan

ii. memasukkan selepas seksyen 2 dengan seksyen berikut:

“**2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati.”

[Menteri di Jabatan Perdana Menteri]

10. PR-1343-U75583

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini, Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

[Menteri Pertanian dan Industri Asas Tani]

11. PR-1343-U75584

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat. Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukannya di samping digunakan untuk menyiram tanaman atau taman-taman."

Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

[Menteri Sumber Asli dan Alam Sekitar]

12. PR-1343-U75585

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan. Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumus satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

[Menteri Kemajuan Luar Bandar dan Wilayah]

13. PR-1343-U75586

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadah dan disimpan dengan baik.

Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

[Menteri Kesejahteraan Bandar, Perumahan dan Kerajaan Tempatan]

14. PR-1343-U75587

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen. Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

[Menteri Kewangan]

15. PR-1343-U75588

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memunggah dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336.

Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khasnya."

[Menteri Kewangan]

16. PR-1343-U75589

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa banjir warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata. Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah memindah undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

[Menteri Kesejahteraan Bandar, Perumahan dan Kerajaan Tempatan]

17. PR-1343-U76223

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbincangan di Dewan Rakyat dengan kadar segera."

[Perdana Menteri]

18. PR-1343-U76225

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember."

[Perdana Menteri]

19. PR-1343-U76226

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

[Perdana Menteri]

20. PR-1343-U76228

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

[Perdana Menteri]

21. PR-1343-U77356

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum, Parlimen sepatutnya mengambil maklum kes penembakan Lucas a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis. Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

[Menteri Dalam Negeri]

22. PR-1343-U75910

Dr. Tan Seng Giaw [Kepong] akan mencadangkan:-

"Bahawa Dewan ini membahaskan langkah-langkah untuk mencegah penganas di Malaysia."

[Menteri Dalam Negeri]

23. PR-1343-U75911

Dr. Tan Seng Giaw [Kepong] akan mencadangkan:-

"Bahawa Dewan ini memperbincangkan dasar penyelenggaraan semua jenis pengangkutan di negara".

[Menteri Pengangkutan]

24. PR-1343-U75794

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

25. PR-1343-U75795

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

26. PR-1343-U75707

Tuan Loke Siew Fook [Seremban] akan mencadangkan:-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janeiro. Kejayaan Mohamad Ridzuan Mohamad Puzi acara 100 meter, Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat dibanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandeleda Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus dibanggakan oleh seluruh rakyat Malaysia."

[Menteri Belia dan Sukan]

27. PR-1343-U77348

Tuan Liew Chin Tong [Kluang] akan mencadangkan:-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

[Menteri Kewangan]

28. PR-1343-U77349

Tuan Liew Chin Tong [Kluang] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

[Perdana Menteri]

29. PR-1343-U77437

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Dalam Negeri]

30. PR-1343-U77438

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

31. PR-1343-U77439

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

32. **Tuan Gobind Singh Deo [Puchong]** akan mencadangkan:-

Pada 17.10.2016, Tuan Yang Di-Pertua telahpun membuat keputusan di dalam Dewan Rakyat seperti berikut:

Jadi masa tidak lagi mengizinkan. Jadi sesi pertanyaan-pertanyaan bagi jawapan lisan berakhir dan sebelum saya memanggil Setiausaha untuk beredar ke urusan mesyuarat yang lain, ada satu perkara mustahak yang ingin saya umumkan iaitu Ahli-ahli Yang Berhormat **saya mendapati beberapa soalan dalam pertanyaan jawapan lisan dan bertulis serta usul yang telah dikemukakan bagi Mesyuarat Ketiga Penggal Keempat Parlimen Ketiga Belas kali ini berkaitan dengan satu isu yang menjadi kegemaran ahli-ahli Yang Berhormat iaitu isu tindakan sivil in rem oleh Jabatan Keadilan Amerikat Syarikat atau singkat DOJ.**

Jadi untuk mengelakkan lagi satu pertuduhan seperti di sesi yang lalu iaitu di mana soalan yang perlu dijawab secara lisan oleh kerana tidak ada masa untuk dijawab pada ketika itu, maka Menteri menjawab mengatakan bahawa tidak payalah dijawab secara bertulis oleh kerana itu adalah *sub judice*.

Jadi dalam hal ini, dalam sesi ini juga ada perkara-perkara yang sedemikian. Jadi saya tidak mahu lagi timbul satu persepsi di mana Menteri akan dituduh bahawa dia *assumed the role of Speaker*. **Jadi untuk itu setelah meneliti isi kandungan pertanyaan-pertanyaan tersebut, saya mendapati bahawa ia adalah perkara yang masih dalam timbangan mahkamah ataupun sub judice. Oleh itu Menteri yang berkenaan tidak perlu jawab kepada perkara-perkara tersebut.**

Manakala kepada Ahli-ahli Yang Berhormat yang sedemikian untuk memuaskan hati mereka saya akan sampaikan setiap Ahli Yang Berhormat keputusan saya secara bertulis. Terima kasih. Sila.

Dengan hormatnya, saya usulkan supaya keputusan Tuan Yang Di-Pertua tersebut dikaji semula menurut Peraturan 43 Peraturan Majlis Mesyuarat di atas alasan-alasan berikut:

- (i) Peraturan yang menghalang pertanyaan oleh kerana sub judice tidak terpakai kepada kes-kes di luar Malaysia.
- (ii) Oleh yang demikian, tindakan *civil in rem* oleh Jabatan Keadilan Amerika Syarikat tidak boleh menjadi asas untuk penolakan soalan ataupun seseorang Menteri dikecualikan daripada menjawab soalan tersebut atas alasan perkara itu sub judis.
- (iii) Perkara ini dibincangkan dalam "Buku Erskine May's Treaties on The Law, Privileges, Proceeding's and Usage of Parliament 24th Edition 2011" di mana 365 dimukasurat disebut seperti berikut:

Matters sub judice

By a resolution of the House, cases in which proceedings are active in United Kingdom courts shall not be referred to in any motion, debate or question (see pp 396, 441-443); though the House has further resolved to give Chair some discretion to allow reference to be made to matters awaiting or under jurisdiction in all civil courts in certain specified circumstances, **provided that there is no real and substantial danger of prejudice to the proceedings.** The 'sub judice rule' as it is called, also applied to matters before a coroner's court or a Fatal Accident Inquiry. If the subject-matter of the question is found to be, or become, sub judice of the questions has been given, the Member is asked to withdraw it, or the Speaker may direct it to be removed from the notice paper or refuse to allow it to be asked if it is on the Order Paper.

The rule does not apply to matters which are sub judice in courts of law outside Great Britain and Northern Island, nor to matters which are the subject of administrative inquiry.

- (iv) jadi dengan segala hormatnya, jelas bahawa keputusan Tuan Speaker yang berasaskan kepada alasan sub judice adalah bertentangan dengan praktis yang diamalkan berkenaan isu itu dan oleh yang sedemikian boleh dan perlu dikaji semula.
2. Seterusnya dengan merujuk kembali lagi kepada petikan di dalam buku Erskine May di atas adalah jelas bahawa **sekiranya pun prosiding tersebut di dalam negara ini**, Tuan Speaker dalam memutuskan isu sama ada ataupun tidak perkara ini dihalang kerana sub judice perlu menilai sama ada wujud ataupun tidak "*real and substantial danger of prejudice*" kepada prosiding tersebut.
- (i) Dengan segala hormatnya untuk menimbang dan seterusnya membuat keputusan berkenaan perkara itu, saya berpendapat bahawa Tuan Speaker perlu:

- (a) memberikan Ahli-ahli Parlimen peluang untuk didengar sebelum membuat sebarang keputusan berkenaannya.
 - (b) menyakinkan diri dengan rujukan penuh kepada prosiding Mahkamah tersebut dan seterusnya menimbang kesan soalan-soalan yang ditanya kepada prosiding tersebut sebelum membuat keputusan tersebut.
- 2 (ii) Di dalam hal ini, saya memohon supaya Tuan Speaker menjelaskan sama ada ataupun tidak Tuan Speaker ada salinan dan sudah menimbang dengan mendalam semua kertas-kertas kuasa dalam prosiding DOJ tersebut (iaitu tuntutan dan jawapan-jawapan kepadanya sekiranya ada) untuk menyakinkan diri Tuan Speaker berkenaan fakta-fakta serta isu-isu yang berbangkit dalam perkara itu untuk membuat keputusan bahawa soalan-soalan itu adalah dihalang oleh perkara *sub judice*.
- 3 (i) seterusnya saya dengan segala hormatnya memohon rujuk kepada Peraturan 36(1) dan 23(1)(g) Peraturan Mesyuarat Dewan Rakyat di mana cukup jelas bahawa perkara yang perlu diputuskan adalah:
- 23(1)(g) A question shall not be so drafted as to be likely to prejudice a case under trial, or be asked to any matter **which is sub judice**; dan
- 36(2) Reference shall not be made to any matter which is sub judice in such a way might in the opinion of chair ***prejudice the interests of parties thereto***”
- 3 (ii) Dengan segala hormatnya, menurut Peraturan tersebut Tuan Speaker perlu untuk menentusahkan “parties” kepada tindakan ini dan kepentingan mereka sebelum keputusan berkenaan prejudis yang mungkin timbul seakibat soalan yang diajukan itu.

Tuan Speaker,

Negara kami dilanda krisis dan segi wujudnya satu perkara yang melibatkan wang yang sangat besar yang kini menjadi topik perbincangan hangat bukan sahaja di Malaysia tetapi di seluruh dunia.

Perkara ini telahpun menyebabkan tindakan yang tegas diambil oleh negara-negara seperti Singapura, United Kingdom dan Amerika Syarikat manakala di negara kita tiada sebarang tindakan berkesan diambil terhadap mana-mana pihak sama sekali sehingga sekarang.

Perkara ini telahpun menyebabkan banyak soalan ditanya oleh rakyat Malaysia khususnya berkenaan corak pentadbiran Kerajaan kami dan pengendalian siasatan perkara ini oleh jabatan-jabatan seperti Jabatan Peguam Negara, PDRM dan SPRM.

Isu ini sudah semestinya menjadi satu isu berkepentingan awam dan amat sangat perlu dibahaskan di dalam Dewan Rakyat.

Keputusan Tuan Speaker dengan segala hormatnya mempunyai kesan menghalang perkara ini daripada dibahaskan secara transparan dan juga memprejudiskan kesemua pihak dengan amat sangat oleh kerana mereka kehilangan peluang untuk menyoal dan menjelaskan semua keraguan yang timbul di dalam Dewan Rakyat yang mulia ini untuk pengetahuan rakyat Malaysia secara keseluruhannya.

Saya juga merayu kepada Tuan Speaker supaya melihat kepada “precedent” yang akan dicapai melalui keputusan ini di mana daripada sekarang, mudah sekali untuk sesiapa menghalang sesuatu perkara itu dibangkitkan di Dewan Rakyat iaitu dengan memfailkan atau merujuk kepada prosiding di luar negara untuk tujuan itu.

Ini kepada saya bukan niat ataupun matlamat yang ingin dicapai oleh Peraturan Mesyuarat yang digubal untuk “enhance” dan bukannya “restrict” dengan izin, perbahasan perkara-perkara penting untuk negara kita di dalam Dewan Rakyat yang mulia ini.

Maka saya selaku Ahli Parlimen Puchong merayu supaya usul saya dibenarkan dibahas dan keputusan Tuan Speaker itu, dikaji semula dan diketepikan dengan serta merta.

[Perdana Menteri]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

| <u>TAHUN</u> <u>2016</u> | <u>RISALAT/DOKUMEN</u> | <u>TARIKH</u> <u>DIBENTANGKAN</u> |
|---|--|--|
| DR.4 | Laporan Jawatankuasa Kira-kira Wang Negara. - Isu Penyelewangan dan Penyeludupan Diesel Bersubsidi. | 8 November 2016 |
| ST.91 | Laporan Tahunan dan Penyata Kewangan Agensi Kelayakan Malaysia (MQA) Bagi Tahun 2015. | 8 November 2016 |
| ST.92 | Laporan Tahunan dan Penyata Kewangan Universiti Pertahanan Nasional Malaysia (UPNM) Bagi Tahun 2015. | 8 November 2016 |
| ST.95 | Laporan Tahunan dan Penyata Kewangan Universiti Malaysia Kelantan (UMK) Bagi Tahun 2015. | 8 November 2016 |

****UCAPAN**
(PERATURAN MESYUARAT 17 BAHARU)
(KAMAR KHAS)

| Tarikh Ucapan | Ahli Yang Berucap | Tajuk Ucapan | Menteri Yang Bertanggungjawab |
|---------------------------|---|---|--------------------------------------|
| 1. 08.11.2016 (Selasa) | 1. YB Tuan V. Sivakumar (Batu Gajah) | 1. Pembinaan Bangunan Baru Bagi 4 Buah Sekolah Tamil. | 1. YB Menteri Pendidikan |

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**